

Аллоҳ осон қилган нарсагина энгилдир



09:25 / 24.05.2025 1956

Анас розияллоҳу анҳудан ривоят қилинади:

Расулуллоҳ соллаллоҳу алайҳи васаллам бирор иш оғирлик қилса:

????????? ??? ?????? ?????? ?? ???????????? ????????

????????? ?????????? ?????????? ????? ?????????? ??????????

«Аллоҳумма лаа саҳла иллаа маа жаъалтаҳу саҳлан ва анта тажъалул ҳазна изаа ши`та саҳла», деб айтардилар.

Маъноси: Аллоҳим, Сен энгил этган нарсагина энгилдир. Агар Сен хоҳласанг, қаттиқ ерни ҳам текис қилувчисан.

Ибн Сунний ривояти.

Аллоҳим, қазои қадарингдан мени рози эт

Ибн Умар розияллоҳу анҳумодан ривоят қилинади:

«Набий соллаллоҳу алайҳи васаллам:

«Бирортангизнинг яшаши қийинлашиб қолса, уйдан кўчага чиқаётиб, қуйидаги дуоларни айтишдан нима ман қилади?

?????? ?????? ?????? ????????? ?????????? ???????????

????????? ?????????? ?????????????? ????????????? ???

???????? ?????????? ??? ????????? ??? ?????????? ?????????????

??? ?????????? ?????? ?????????????? ??? ?????????????

«Бисмиллаҳи ъала нафсий ва малий ва диний. Аллоҳумма роззиний биқозоика ва барик лий фийма қуддиро лий ҳаттаа лаа уҳибба таъжийла маа аххорта ва лаа та`хийро ма ъажжалта».

Маъноси: Нафсим, молим ва динимга Аллоҳнинг исмини айтаман. Эй Раббим, қазои қадарингдан мени рози эт. Ва тақдир қилган нарсангни мен учун баракали қил. Токи, кечиктирган нарсангни шошилтиришни ва шошилтирган нарсангни кечиктиришни яхши кўрмайин.

Ибн Сунний ривояти.

Имом Нававийнинг «Ал-Азкор» китобидан

Таржимон Анвар Аҳмад

Ушбу китоб Ўзбекистон Республикаси Дин ишлари бўйича қўмитанинг 2290-рақамли хулосаси асосида чоп этилган.